

BATASUNAREN LEGEZ KANPORATZEA EGOITZEN IXTEA NAFARROAN



JAGOBA MANTEROLA / ARGAZKI PRESS

IRUÑEA. Ezkerrean, Polizia Jauruta kaleko Herriko Tabernan. Eskuinean, Iruñazarra jatetxeko atarian; itxeko asmoarekin joan ziren, baina azkenean ez zuten itxi.

‘Herriko tabernak’ ere bai

Batasunaren hainbat herritako egoitza eta Iruñeko bi ‘herrikoren’ eta Burlatakoaren bulego batzuk itxi dituzte

Irene Arrizurieta | IRUÑEA

Herenegun Batasunaren Iruñeko egoitza nazionala eta Alde Zaharrekoa zigilatu zituen Espainiako Poliziak. Ondoren Guadia Zibilak Leitzako Torrea elkarte, Lizarra eta Elizondoko Batasunaren egoitzak eta Altsasuko Herria Eginez elkarte itxi zituen. Atzo, gainera, Iruñeko bi herriko tabernetako bulegoak, eta Burlatako herriko taberna —Zumadi elkarte— zigilatu zituzten.

Leitzako Torrea elkartera 23:15ean joan zen Guardia Zibila egoitza ixtera eta zigilatzer. Elkarte herriko plazako Torrea etxearen lehen solairuan dago, eta haren azpialdean taberna eta jatetxea. Tabernara sartu ziren guardia zibilek eta idazkari judizialak tabernan zegoen bezeroa lekuko moduan hartu, eta elkarte zigilatu zuten. Kanpoan zain Guardia Zibilaren laupabost patrol zeuden. Tabernan eta kanpoan zeuden 35 lagunak identifikarazi egin zituzten eta ordu erdira alde egin zuen. Gertaera salatzekeo elkartekeo kideek manifestazioa deitu dute igandean herrian. *Ilegalizaziorik ez, Torrea gurea da* lelopean 19:30ean egingen da.

Guardia Zibilak gaueko ordu txikiak baliatu zituen Lizarrako Batasunaren egoitza zigilatzeke. Herriko Batasunako bi zinegotzi lekuko gisa deitu eta Baldeallin kalean taldeak duen egoitza zigilatu zuten guardia zibilek.

Elizondoko Jaime Urrutia kaleko egoitzan ere modu berean jokatu zuten. Auzokideek Guardia Zibilaren «arras mugimendu handia» sumatu zuten



JESUS DIGES / EFE

TAFALLA. Goizeko 10:30ean itxi zuen Batasunaren egoitza Guardia Zibilak Tafallan. Bospasei patrol joan ziren bertara, eta Batasuneko bi zinegotzi izan zituzten lekuko.

eta gauerdian zigilua eman zioten egoitzari.

Altsasuko Herria Eginez elkarte ere itxi zuten herenegun. Herriko alkate Camino Mendiluzek atzo salatu zuenez «inorekin harremanetan jarri gabe zigilatu zuen Guardia Zibilak elkarte». Alkateak hura elkarte kulturala dela ere azpimarratu zuen eta ez Batasunaren egoitza.

Tafalla, Viana eta Tuteran

Atzo itxi zuten lehen egoitza Tafallakoa izan zen, 10:30etan. Kale Nagusiko 11. zenbakiko egoitzara Guardia Zibilaren

HERRIKO TABERNAK

Iruñeko Jarauta kaleko Aitzina Herriko Tabernako behealdeko taberna eta Redin kalekoaren bulegoa zigilatu dituzte

bospasei patrol joan ziren eta Batasunaren Tafallako hiru zinegotzietatik bi lekuko gisa deitu ondoren zigilatu zuten egoitza.

Atzetik Vianako Santa Maria kaleko 20. zenbakiko etxea zigilatu zuten. Jabea Xabier de Antoñana Batasunak Vianan duen zinegotzia da. Hark EGUNKARIA-ri azaldu zionez garai batean HBren egoitza izan zen, baina duela zortzi urte erosi zuen berretzat etxea. Egun autoa uzteko eta biltegi moduan erabiltzen zuen. Gainera, erortzeaz da eta Udalak etxea eraixxi eta pisu berriak egiteko baimena eman dio. Guardia Zibila bi ordu egon zen kalean 13:00etan zigilua jarri zuen arte. Antoñanaren anaiak ondoan duen garajea ere zigilatu nahi izan zuten, polizia judizialak aginduan akatsa zegoela onartu zuen arte. Gainera

Vianako herria Batasunaren aldeko pintadez josita esnatu zen atzokoan: *Batasuna aurrera, Garzon faxista eta Ilegalizaziorik ez* bezalako leloekin.

Atzetik Tuterako Concareda kaleko 2. zenbakian dagoen Abardena elkarte itxi zuen Guardia Zibilak. Elkarteak bi pisu ditu eta behealdean taberna. Polizia judizialak bilerak egiteko erabiltzen zen bigarren solairua zigilatu zuen.

Iruñeko bi herriko tabernen zatiak eta Burlatako Zumadi

Arratsaldeko azken orduan Iruñeko Jarauta kaleko Aitzina Herriko Tabernak dituen bi solairuetako bat —beheko taberna— eta denda zigilatu zituen Espainiako Poliziak. Ondoren Redin kalean dagoen Arrano Herriko Tabernaren bilera bulegoa. Gisa berean, Burlatako Zumadi elkarte ere zigilatu eta itxi zuen Poliziak.

20:00ak aldera Iruñeko Alde Zaharreko Merkaderes plazan dagoen Iruñazarra jatetxe eta tabernara sartu ziren zortzibat Espainiako Polizia jatetxearen behealdeko zigilatzekeo agindua zutela esanez. Bertako gerenteak hura jatetxea eta taberna zela esan zien eta ez Batasunaren egoitza. Polizia judizialak aurrerantzean Batasunak deitzen duen edozein deialdi han egitea galarazten zaiela oharrazti eta alde egin zuen.

Itxierak salatzekeo 250 lagun inguruk elkarretaratzea egin zuten Iruñean Merkaderes plazatik San Lorentzora. San Lorentzora iristean Espainiako Polizia oldartu egin zitzaizkien, kargatzen hasi eta manifestariak sakabanatu egin zituzten.